

大業大集地藏十輪經

才七

九十六
唐七


47731



大乘大集地藏十輪經卷第七

三藏法師 玄奘奉 詔譯

有依行品第四之三



彼次善男子有諸衆生稟性暴惡言詞麁獷
實是愚癡懷聰明慢不斷殺生乃至邪見於
他所得利養恭敬世所稱譽深生嫉妬常自
追求利養恭敬世所稱譽曾無厭倦恒自讚
舉輕毀於他不自防護身語意業常樂習行
一切惡行內心殄毒無有悲愍無慙無愧喜
觸惱他於諸福田好簡勝劣於歸我法諸出
家人常樂伺求所有瑕隙終得少相未審真
虛即使輕毀呵罵謫罰其心剛強很戾迷亂



常喜觸惱諸出家人。不省已過。念譏他。闕雖
聞讚歎。大乘功德發意。趣求而心好。為諸重
惡事。曾未寂靜。誑惑他。故於大乘法。現自聽
聞。教他聽聞。現自讀誦。教他讀誦。為自薦舉
凌伏他。故於大乘法。恭敬讚美。自於大乘諸
行境界。不曾修學。未能悟解。而自稱號。我是
大乘。誘勸他人。附已修學。規求名利。以實活
命。譬如破戒。惡持律師。自犯尸羅。樂行惡行。
為名利。故誘勸他人。令勤修學。毗柰耶藏。如
是諂曲。虛詐。衆生下賤。人身尚當難得。退失
善趣。二乘涅槃。況得大乘。終無是處。當墮惡
趣。難有出期。諸有智人。不應親近。而無慙愧。

於大眾中自号大乘如師子吼為名利故誘
誰愚癡令親附已共為明黨譬如有一驢被師
子皮而使自謂以為師子有人遙見謂真師
子及至鳴已皆識是驢咸共唾言此非師子
是食不淨真弊惡驢種種呵叱皆共捨去我
說如是補特伽羅常樂習行十惡業道燒滅
一劫入天種子尚退聲聞獨覺乘法況於大
乘能成法器愚癡憍慢自号大乘誰惑他人
招集利養譬如癡慢無手足人欲興戰伐入
於大陣徒設功效終無剋成詐号大乘亦復
如是信手戒足無有一全不自崖揆所堪行
業欲興戰伐煩惱大陣徒設功效終無剋成

我說是人不護三業專行惡行妄号大乘實
於三乘皆非法器而欲破壞一切衆生勇健
堅牢煩惱大障欲皆顯示一切衆生八支聖
道令入無畏涅槃之城終無是處所以者何
善男子夫大乘者受持第一清淨律儀修行
第一微妙善行具足第一堅固慙愧深見深
畏後世苦果遠離所有一切惡法常樂修行
一切善法慈悲常徧一切有情恒普為作利
益安樂救濟度脫一切有情所有厄難生死
衆苦不顧自身所有安樂唯求安樂一切有
情如是名為住大乘者善男子有何等相名
聲聞乘謂諸衆生常勤精進安住正念樂等

引定離諸諂誑信知業果不著五欲世間八
法所不能染修善勇猛如救頭然常審諦觀
諸蘊界處恒樂安住所有聖種具此相者名
聲聞乘如是衆生尚未能成獨覺乘器況復
能成大乘法器善男子有何等相名獨覺乘
謂諸衆生具上聲聞一切功德復能於彼五
取蘊中數數安住隨無常觀數數安住隨生
滅觀普於一切緣生法中能審諦觀皆是滅
法具此相者名獨覺乘如是衆生非大乘器
亦時世尊重顯此義而說頌曰
若真善人刹帝利乃至真善成達羅
修信等十有依輪於聲聞乘速成器

求獨覺乘三業淨。具足慙愧怖諸蘊。
知過樂靜住空閑。念守諸根心寂定。
善觀緣起修靜慮。諸蘊界處巧能觀。
具此十行有依輪。成勝乘器度有海。
修共三乘二乘輪。自求解脫煩惱苦。
不度有情不捨習。此人俱非大乘器。
愚癡懈怠根下劣。於二乘法不勤修。
定不能具大乘輪。故非大乘廣大器。
愚癡獨一求解脫。劣意下行無慈悲。
樂著斷見向惡趣。棄捨正法說非法。
毀謗二乘捨律行。受具足戒号大乘。
破亂我法惑衆生。由此人身難復得。

惱亂我法諸賢聖。謫罰被赤袈裟人。
呵罵遮奪衣鉢等。長時退失人天趣。
是故若欲復人身。不患舌舛而捨命。
常樂值遇諸佛者。普應弘護三乘法。
欲得三乘最上乘。應善觀察三乘法。
歡喜為他普開示。當得成佛定無疑。
破戒慳貪懷憍慢。自讚毀他号大乘。
捨離此人依智者。定當成佛度三界。
於三乘器隨所宜。慈悲為說三乘法。
隨願令滿無慳嫉。當得成佛定無疑。
知蘊界處皆空寂。無所依住譬虛空。
說法等攝諸有情。當獲妙覺無邊智。

破戒意樂懷惡心。聞說大乘勝功德。
詐号大乘為名利。如弊驢披師子皮。
我今普告一切衆。若欲疾得勝菩提。
當善修治十善業。護持我法勿毀壞。
我昔諸餘契經說。應求大覺行大乘。
捨離聲聞獨覺乘。為清淨者說斯法。
曾供無量俱脰佛。斷惡勤勞修淨心。
我為勸進彼衆生。故說一乘無第二。
今此衆具三乘器。有但堪住聲聞乘。
心極憂怖多事業。彼非上妙菩提器。
有癡樂靜住獨覺。彼非上妙菩提器。
有堪安住上妙智。故隨所樂說三乘。

具淨功德樂解脫。聞說大乘隨惡趣。
如病瘵癯教服乳。此增毒害非除疾。
如是非器聲聞乘。聞說大乘心迷亂。
使起斷見墜惡趣。故應說法審觀機。
大乘大集地藏十輪經懺悔品第五
尔時世尊說是頌已於衆會中有無量百千
衆生曾誤聞法謬生空解撥無因果斷滅善
根徃諸惡趣聞說此經還得正見即從座起
頂禮佛足於世尊前深生慙愧至誠懺悔合
掌恭敬而白佛言大德世尊我等本在聲聞
乘中曾種善根未能成熟聲聞乘器後復遇
聞獨覺乘法迷惑不了使生空見撥無因果

由是因緣造身語意無量罪業往諸惡趣我
等今者於世尊前聞說此經還得正見深心
慚愧發露懺悔不敢覆藏願悉除滅從今以
往永不復作防護當來所有罪障唯願世尊
哀愍接受令我等罪皆悉消滅於當來世永
不更造唯願世尊哀愍濟拔我等當來惡趣
苦報我等今者還願受行先所修集聲聞乘
行唯願世尊哀愍教授世尊告曰善哉善哉
汝等乃能如是慚愧發露懺悔於我法中有
二種人名無所犯一者稟性專精本來不犯
二者他已慚愧發露懺悔此二種人於我法
中若為勇健得清淨者於是世尊隨其所樂

方便為說四聖諦法於彼衆中有得下品忍
者有得中品忍者有得上品忍者有得世間
第一法者有得預流果者有得一來果者有
得不還果者於中復有八萬四千苾芻諸漏
永盡心得解脫意善清淨成阿羅漢歡喜禮
佛還復本座時衆會中復有五十七百千那
庾多衆生曾誤聞法謬生空解撥無因果斷
滅善根往諸惡趣聞說此經還得正見即從
座起頂禮佛足於世尊前深生慚愧至誠懺
悔合掌恭敬而白佛言大德世尊我等本在
獨覺乘中曾種善根未能成熟獨覺乘器後
復遇聞說大乘法雖生愛樂而不能解愚冥

疑惑使生空見撥無因果由是因緣造身語
意無量罪業乘此業緣於無量劫墮諸惡趣
受種種苦楚毒難忍我等今者於世尊前聞
說此經還得正見深生慚愧發露懺悔不敢
覆藏願悉除滅從今以往永不復作防護當
來所有罪障唯願世尊哀愍攝受令我等罪
皆得消滅於當來世永不更造唯願世尊哀
愍濟拔我等當來惡趣苦報我等今者還願
受行先所修集獨覺乘行唯願世尊哀愍教
授世尊告曰善哉善哉汝等乃能如是慚愧
發露懺悔於我法中有二種人名無所犯一
者稟性專精本來不犯二者犯已慚愧發露

懺悔此二種人於我法中必為勇健得清淨
者於是世尊隨其所樂方便為說諸緣起法
令彼一切修緣覺乘漸次圓滿皆悉證得幢
相緣定於獨覺乘得不退轉歡喜禮佛還後
本座時衆會中復有八十百千那庾多衆生
曾於過去諸佛法中毀謗佛教不至一頌由
是因緣墮諸惡趣受衆苦報初復入身生使
瘖瘂常患舌矜口不能言聞說此經還得正
見即從座起頂禮佛足於世尊前深生慚愧
至誠懺悔宿世惡業合掌恭敬瞻仰世尊佛
神力故皆悉能語尔時世尊知而故問汝等
宿世作何惡業今處衆中口不能語彼諸人

衆俱時白佛於中十類作如是言大德世尊
我等往昔於毗鉢尸如來法中或言毀謗大
乘正法或言毀謗獨覺乘法或言毀謗聲聞
乘法下至一頌我等由是惡業障故九十一
劫流轉生死常處地獄傍生餓鬼瘡痍無舌
都不能言受諸苦毒痛切難忍始於今世得
復人身而猶瘡痍常患舌舩蒙佛神力方始
能言復能憶念自過去世所有因緣諸惡業
障復有一類作如是言大德世尊我等往昔
於尸棄如來法中或言毀謗大乘正法各隨
本緣如前廣說復有一類作如是言大德世
尊我等往昔於毗提浮如來法中或言毀謗

大乘正法各隨本緣如前廣說復有一類作
如是言大德世尊我等往昔於羯洛迦孫馱
如來法中或言毀謗大乘正法各隨本緣如
前廣說復有一類作如是言大德世尊我等
往昔於羯諾迦牟尼如來法中或言毀謗大
乘正法各隨本緣如前廣說復有一類作如
是言大德世尊我等往昔於迦葉波如來法
中或言毀謗大乘正法或言毀謗獨覺乘法
或言毀謗聲聞乘法下至一頌我等由是惡
業障故從今以來流轉生死常處地獄傍生
餓鬼瘖瘂無舌都不能言受諸苦毒痛切難
忍始於今世得復人身而猶瘖瘂常患舌舛

蒙佛神力方始能言復能憶念自過去世所
有因緣諸惡業障我等今者於世尊前聞說
此經獲得正見深心慙愧發露懺悔不敢覆
藏願悉除滅從今以往永不復作防護當來
所有罪障唯願世尊哀愍攝受令我等罪皆
悉消滅於當來世永不更造唯願世尊哀愍
濟拔我等當來惡趣苦報唯願世尊哀愍我
等為說正法世尊告曰善哉善哉汝等乃能
如是慙愧發露懺悔於我法中有二種人名
無所犯一者稟性專精本來不犯二者犯已
慙愧發露懺悔此二種人於我法中名為勇
健得清淨者於是世尊隨其所樂方便為說

種種正法各隨所宜皆得利益歡喜禮佛還
後本座時衆會中復有無量百千聲聞及無
量百千那庾多菩薩聞說此經憶昔所造諸
惡業障即從座起頂禮佛足於世尊前深生
慙愧至誠懺悔合掌恭敬皆白佛言大德世
尊我等憶昔曾於無量諸佛法中或有說言
我等於彼諸佛弟子或是法器或非法器多
行忿恨呵罵毀辱譏刺輕誚種種誹謗隱善
揚惡我等由此惡業障故經無量劫隨諸惡
趣受諸重苦楚毒難忍後得值遇無量諸佛
皆曾親近承事供養又得值遇無量菩薩摩
訶薩衆亦皆親近承事供養於一一佛一一

菩薩摩訶薩前皆深慙愧發露懺悔諸惡業障於一一佛一一菩薩摩訶薩所皆得聽受無量法門精勤護持修學無量難行苦行由彼業障有餘未盡令我等輩未能證得安樂涅槃未能證得三摩地門殊勝功德我等今者於世尊前聞說此經復深慙愧發露懺悔不敢覆藏願悉除滅從今以往永不復作防護當來所有罪障唯願世尊哀愍攝受令我等罪皆悉除滅於當來世永不更造唯願世尊哀愍濟拔我等當來惡趣苦報我等今者承佛威力願隨所樂速能證得安樂涅槃或能證得三摩地門殊勝功德復有說言我等

於彼諸佛弟子或是法器或非法器以麁惡
言期剋迫憊我等由此惡業障故經無量劫
隨諸惡趣應知如前次第廣說復有說言我
等於彼諸佛弟子或是法器或非法器打棒
傷害我等由此惡業障故經無量劫隨諸惡
趣應知如前次第廣說復有說言我等於彼
諸佛弟子或是法器或非法器侵奪衣鉢我
等由此惡業障故經無量劫隨諸惡趣應知
如前次第廣說復有說言我等於彼諸佛弟
子或是法器或非法器侵奪種種資生衆具
絕其飲食我等由此惡業障故經無量劫隨
諸惡趣應知如前次第廣說復有說言我等

於彼無量諸佛出家弟子或是法器或非法
器退令還俗脫其袈裟課稅役使我等由此
惡業障故經無量劫隨諸惡趣應知如前次
第廣說復有說言我等於彼無量諸佛出家
弟子或是法器或非法器或有罪犯或無罪
犯枷鎖繫縛禁閉牢獄我等由此惡業障故
經無量劫隨諸惡趣應知如前次第廣說復
有說言我等於彼無量諸佛出家弟子或是
法器或非法器起輕慢心種種觸惱令不安
樂我等由此惡業障故經無量劫受諸重苦
楚毒難忍後得值遇無量諸佛皆曾親近承
事供養又得值遇無量菩薩摩訶薩衆亦皆

親近承事供養於一一佛一一菩薩摩訶薩
前皆深慙愧發露懺悔諸惡業障於一一佛
一一菩薩摩訶薩所皆得聽受無量法門精
勤護持修學無量難行苦行由彼業障有餘
未盡令我等輩未能證得安樂涅槃未能證
得三摩地門殊勝功德我等今者於世尊前
聞說此經復深慙愧發露懺悔不敢覆藏願
悉除滅從今以往永不復作防護當來所有
罪障唯願世尊哀愍堪受令我等罪皆悉消
滅於當來世永不更造唯願世尊哀愍濟拔
我等當來惡趣苦報我等今者承佛神力願
隨所樂速能證得安樂涅槃或能證得三摩

地門殊勝功德於是世尊普告聲聞菩薩眾
曰善哉善哉汝等乃能如是慙愧發露懺悔
有二種人名無所犯一者稟性專精本來不
犯二者犯已慙愧發露懺悔此二種人於我
法中名爲勇健得清淨者又善男子如是惱
亂佛弟子罪比前所說近無間罪彼但有名
未足稱罪然此惱亂佛弟子罪亦過前說五
無間罪無量倍數所以者何若諸苾芻毀破
禁戒作諸惡法猶能示導無量百千俱胝那
庾多衆生善趣涅槃無顛倒路與諸衆生作
大功德珍寶伏藏如前廣說況持禁戒修善
法者以是義故若有惱亂佛弟子衆諸出

人當知則為斷三寶種亦則名為挑壞一切
衆生法眼亦為毀滅我久勤苦所得正法與
諸衆生作大衰損是故惱亂佛弟子罪過前
所說五無間罪無量倍數是故汝等今於我
前起至誠心增上慙愧慙懇切發露懺悔
往昔所造諸惡業障我今慈悲攝受汝等令
惡業障漸得消滅於此佛土大賢劫中有千
如來出現於世汝等於彼諸如來前亦當至
誠發露懺悔諸惡業障防護當來所有罪名
於此賢劫千如來中最後如來名曰盧至如
來應正等覺明行圓滿善逝世間解無上丈
夫調御士天人師佛薄伽梵十号具足汝等

於彼盧至佛前亦當至誠發露懺悔諸惡業障乃得滅盡無有遺餘時諸聲聞及菩薩衆俱時白佛唯然世尊我等審當於彼最後盧至佛所獲得正見離諸邪見諸惡業障盡滅無餘解脫一切衆苦惱者若令我等於大賢劫常處無間大地獄中恒受種種極重苦惱亦能堪忍世尊告曰善哉善哉汝等乃能如是勇猛汝等由此堅固精進自誓願力定能於彼盧至佛前宿世所集諸惡業障皆悉消滅定能發起增上信敬親近供養盧至如來定能永斷一切煩惱成阿羅漢或定能證三摩地門殊勝功德時諸聲聞及菩薩衆歡喜

禮佛還復本座。介時世尊告金剛藏菩薩摩訶薩言：善男子，我以佛眼觀諸世間，見未來世此佛土中有無量無數百千俱胝那由多刹帝利、旃荼羅、婆羅門、旃荼羅、宰官、旃荼羅、居士、旃荼羅、長者、旃荼羅、沙門、旃荼羅、舍旃荼羅、羅戍達、羅旃荼羅、若男若女、少種善根。雖得人身而隨惡友起諸邪見，造諸惡行，壞我甚深無上正法。於我所說無有熾然滅熾然法，不生信樂。或於我說與聲聞乘相應正法，誹謗輕毀，障蔽隱沒，不令流布。或於我說與獨覺乘相應正法，誹謗輕毀，障蔽隱沒，不令流布。或於我說與無上乘相應正法，誹謗

輕毀障蔽隱沒不令流布或於歸我諸出家
人若是法器若非法器多行忿恨呵罵毀辱
譏刺輕誚種種誹謗隱善揚惡廣說乃至起
輕慢心種種觸惱如是諸人非聖法器自實
愚癡懷聰明慢從此命終墮三惡趣受無量
種增上猛利難忍苦毒經於無量百千俱胝
那庾多劫難復人身如前廣說善男子如是
衆生寧處無間大地獄中受諸重苦不受如
是鄙惡人身憍慢貢高隨順惡友造作如是
惡不善業流轉生死難可濟度常處生死受
諸苦惱今時會中有無量無數大慧有情從
座而起頂禮佛足合掌向佛悲泣墮淚而白

佛言大德世尊諦觀如是世間衆生雖皆獲得難得入身而遠離正信遠離正願遠離正意樂遠離正見遠離善知識遠離好時遠離好處遠離淨戒遠離正定遠離正慧如是衆生雖皆獲得難得入身而由愚癡憍慢力故造作如前所說重罪毀謗世尊所說正法觸惱世尊出家弟子我等今者對世尊前以至誠心發真誓願我等從今流轉生死乃至未得解脫已來常願不遇如是惡緣決定不造如是重罪終不毀謗諸佛正法亦不觸惱諸出家人必不挑壞衆生法眼亦不斷滅三寶種性唯願世尊哀愍攝受我等所發如是誓

願時衆會中復有無量百千俱脰那度多聽
慧有情從座而起頂禮佛足合掌恭敬而白
佛言大德世尊我等今者對世尊前以至誠
心發真誓願我等從今流轉生死乃至未得
法忍已來於其中間常願不處諸帝王位常
願不處諸宰官位常願不處諸國師位常願
不處城邑聚落鎮邏長位常願不處諸軍將
位常願不處諸賫主位常願不處一切祠祀
寺觀主位常願不處長者居士沙門主位常
願不處諸師長位常願不處諸家長位常願
不處斷事者位常願不處乃至一切富貴尊
位乃至未得法忍已來我等若處如是諸位

則於佛法名惡因緣造諸重罪毀謗諸佛所
說正法觸惱諸佛出家弟子必當排壞衆生
法眼亦為斷滅三寶種性亦為損惱無量有
情由是定當墮無間獄輪轉惡趣難有出期
唯願世尊哀愍攝受我等所發如是誓願亦
時一切諸來大衆天龍藥叉健達縛人非人
等皆從座起頂禮佛足悲号感切涕淚交流
合掌恭敬而白佛言大德世尊我等無始生
死已來愚癡憍慢起諸惡業或身惡業或語
惡業或意惡業自作教他見聞隨喜如是諸
罪今對佛前皆深慙愧發露懺悔不敢覆藏
願悉除滅從今以往永不復作防護當來所

有罪咎第二第三亦如是說我等至誠發真
誓願從今乃至生死後際於其中間常願不
逢諸惡知識亦願不遇諸惡因緣設當逢遇
願不隨順決定不造如前所說諸惡罪業勿
令我等長夜受苦唯願世尊哀愍堪受我等
所發如是誓願尔時世尊普告一切諸來大
衆善哉善哉汝等乃能於後世苦深見怖畏
發露懺悔汝等今者欲度生死深廣暴流欲
入無畏涅槃之城發如是願諸善男子有十
種法能令菩薩摩訶薩等獲得無罪正路法
忍何等爲十諸善男子若諸菩薩摩訶薩等
不著內身不著外身不著內外身不著過去

身不著未來身不著現在身名第一法能令
菩薩摩訶薩等獲得無罪正路法忍又善男
子若諸菩薩摩訶薩等不著內受不著外受
不著內外受不著過去受不著未來受不著
現在受名第二法能令菩薩摩訶薩等獲得
無罪正路法忍又善男子若諸菩薩摩訶薩
等不著內想不著外想不著內外想不著過
去想不著未來想不著現在想名第三法能
令菩薩摩訶薩等獲得無罪正路法忍又善
男子若諸菩薩摩訶薩等不著內行不著外
行不著內外行不著過去行不著未來行不
著現在行名第四法能令菩薩摩訶薩等獲

得無罪正路法忍又善男子若諸菩薩摩訶
薩等不著內識不著外識不著內外識不著
過去識不著未來識不著現在識名第五法
能令菩薩摩訶薩等獲得無罪正路法忍又
善男子若諸菩薩摩訶薩等不著此世名第
六法能令菩薩摩訶薩等獲得無罪正路法
忍又善男子若諸菩薩摩訶薩等不著他世
名第七法能令菩薩摩訶薩等獲得無罪正
路法忍又善男子若諸菩薩摩訶薩等不著
欲界名第八法能令菩薩摩訶薩等獲得無
罪正路法忍又善男子若諸菩薩摩訶薩等
不著色界名第九法能令菩薩摩訶薩等獲

得無罪正路法忍又善男子若諸菩薩摩訶
薩等不著無色界名第十法能令菩薩摩訶
薩等獲得無罪正路法忍諸善男子是名十
法能令菩薩摩訶薩等獲得無罪正路法忍
世尊爲衆說此法時於衆會中有七十二百
千俱胝菩薩摩訶薩同時證得無生法忍復
有八十四百千那庾多菩薩證得隨順法忍
復有無量百千聲聞乃至永斷一切煩惱成
阿羅漢復有百千那庾多衆生先未發心今
發無上正等覺心於如來智住不退地復有
無量無數衆生先未發心於今乃發獨覺乘
心復有無量無數衆生先未發心於今乃發

聲聞乘心。尔時世尊復告大衆。若諸有情已
得法忍。處刹帝利灌頂王位受用。種種勝大
財業及處。種種富貴尊位。是我所許。非餘有
情。金剛藏菩薩白佛言。世尊。若諸有情未得
法忍。於刹帝利灌頂王位受用。種種勝大財
業及餘。種種富貴尊位。定不許。處為亦許耶。
世尊告曰。若諸有情未得法忍。有能受行十
善業道。亦勸衆生。令受學。者我亦聽許。處刹
帝利灌頂王位受用。種種勝大財業及餘。種
種富貴尊位。若諸有情未得法忍。亦不受行
十善業道。及勸衆生。令勤受學。以強勢力。處
刹帝利灌頂王位受用。種種勝大財業及處。

種種富貴尊位名利帝利旃荼羅王及餘種
種富貴尊位旃荼羅王愚癡憍慢毀壞擾亂
我甚深法滅正法燈斷三寶種於我出家諸
弟子衆種種惱亂捶拷刑罰奪其衣鉢基業
財產退令還俗課稅役使繫閉牢獄乃至斷
命於我所說微妙法義誹謗輕毀障蔽隱沒
不令流布奪奪窳堵波及僧祇物如是諸人皆
當墜墮無間地獄受諸劇苦輪轉惡趣難有
出期時金剛藏菩薩復白佛言世尊若諸有
情未得法忍亦不受行十善業道及勸衆生
令勤受學以強勢力處利帝利灌頂王位受
用種種勝大敗業及餘種種富貴尊位頗有

別緣得方便救令其免墮無間地獄及餘惡
趣受諸苦不世尊告曰亦有別緣得方便救
謂有衆生處刹帝利灌頂王位及餘種種富
貴尊位雖復未得成就法忍十善業道而有
信力尊敬三寶於佛所說三乘相應諸出要
法下至一頌終不謗毀障弊隱沒不令流布
於佛出家諸弟子衆持戒破戒下至無戒剃
除鬚髮被袈裟者皆不惱亂捶撻謫罰侵奪
衣鉢基業財產退令還俗課稅役使繫閉牢
獄乃至斷命亦不侵奪窳堵波物及僧祇物
遮製摧伏諸暴惡人不令惱亂諸出家衆不
令侵奪三寶財物於佛所說三乘相應諸出

要法恭敬聽受既聽受已精進修行法隨法
行於我三衆賢聖弟子恭敬供養親近承事
於大衆中誓願賢固終無疑難退屈之心亦
常勸導安置衆生令於大乘信受修學此刹
帝利旃荼羅王及餘種種富貴尊位旃荼羅
王過去諸佛皆共聽許處帝王位及餘種種
富貴尊位雖復受用種種國土城邑聚落勝
大賤業而得免墮無間地獄及餘惡趣我亦
聽許處帝王位及餘種種富貴尊位雖復受
用種種國土城邑聚落而得免墮無間地獄
及諸惡趣若諸有情欲得懺悔除滅一切諸
惡業障令無餘者於我所說如是法門當勤

修學勿令廢忘有能如此現前大衆慚愧懺
悔諸惡業者先世所造一切惡業皆得消滅
無有遺餘

大衆大集地藏十輪經卷第七

唐

棒	各	會	反	宜	上	戾	磳
項	輕	中	正	下	吾	零	毒
反	誚	水	作	瓊	佳	胡	二
蒲	下	病	瘕	癸	反	懇	音
挑	反	也	瘕	反	又	同	通
壞	責	也	謬	音	前	下	鉅
彫	也	笑	錯	苗	舌	規	反
反	迫	也	幼	反	舌	求	若
吐	脅	也	也	反	下	反	作
鄙	作	也	馱	反	其	上	七
惡	憎	伯	唐	反	禁	俱	感
美	以	下	賀	也	也	也	反
碑	威	虛	羯	淡	呵	叱	於
	逼	業	諾	飲	叱	吉	理
	人	也	反	下	下	反	消
	也	反	上	上	昌	長	亦
		正	下	音	崖	毒	也
		打	奴	禁	揆	也	很

奉書寫地藏十輪經卷第七納於雙立法金剛院經藏
願以此功德父母所生及眷屬法界同證佛果乃至某於未
來世大衆法建立為施主而利益法界令滿足

于時元祿第十四辛巳歲九月下旬原田義冬齋法名壁前二鉢居士敬書

